



ERASMVS ROTERODAMVS
IOANNI CAESARIO
IVLIACENSI,
VTRIVSQUE
LITERATVRAE
VINDICI S. D.



Abent in omni disci-
plina Caesari charissi-
me praecipiones na-
tura subamarū quid-
dam: Verum hoc molestia, comes
pensat utilitas. Proinde ut nō pos-
sum non mirari, quorundam fasti-
diosas delicias, qui quilibet leui in-
comodo offensi protinus resiliunt
à literis, tantam utilitatē in omne
usque uitam allaturis, ita rursus opti-
mo iure indignor hīs, qui rei per se
submolestae, de suo molestiam ad-
dunt. Eteim dum ostentandae eru-
ditionis suae studio, in ipso statim
operis limine perplexa quaedam
insulciunt,

LANDES
UND STADT-
BIBLIOTHEK
DUSSELDORF



infulciunt, quæ post erant tradenda, nimirum rudem disci-
 pulum odio suo retundunt & alienant, quæ allici inescariq^{ue}
 potius oportuit, commoda breuitate, luce, ordine, simplicita-
 te, alijsq^{ue} id genus illecebris. At unus omnium GAZA uir
 ubiq^{ue} sui similis, hoc est, in quauis materia insignis artifex,
 non minore iudicio, q^{uam} fide discantis agit negotium, non id
 statim captans ut ipse doctus appareat, sed ut lectorem do-
 ctum reddat. Is primo libro deũ immortalẽ, quo cõpendio,
 quam miro ordine, quanta simplicitate grammatices sum-
 mam complexus est, ceu simulacro quodã nobis deliniato.
 Nos igitur quo magis etiã quorundã tãdio consuleremus,
 cõmoditatẽ hãc nostra iuuius industria, eũq^{ue} librũ latinũ
 fecimus, exẽplis dũtaxat exceptis. Ad hãc titulis distinxim^{us},
 & annotatiunculis additis nõnihil lucis addidimus, ut iam
 q^{uam} minimo negotio percipi possit. Mendas confessas modo
 sustulimus. Nã qd' è doctissimis uiris, qui cũ THEODORO
 cõsuetudinẽ egerunt, quiq^{ue} huic interfuere negotio, olim au-
 dire memini: id liber ipse palãm præ se fert, nimirum locos
 aliquot à sciolis, & in alieno libro impudenter ingeniosis,
 perperã immutatos esse. Quod genus est illud, quod cõpa-
 ratiuũ excipit in tertia nominũ declinatione, qd' præsens &
 præteritũ imperfectũ tanto uerborũ dispendio per modos
 omnis repetit: cum in his per omnia cõsentiant passiuã cũ
 medijs. Quod uerborũ in desinẽtiũ passiuũ addit futurũ
 ac præteritũ perfectum, cum regula præcedens negarit hãc
 tẽpora illis esse propria, qd' & aliàs in horũ declinatione mi-
 scet nonnullas uoces primitiuorũ ac deriuatiuorũ. Atq^{ue} hoc
 erroris Demetrio imputant Chalcondylo, uiro tum probò
 tũ erudito, sed cuius mediocritas exactum illud ac sublime

ERASMI PRAEFATIO AD CAESARIUM.

THEODORI iudiciū haud quāquam assequi potuerit. Gratulor mi Cæsari nostro sæculo, quo uidemus passim repullulascere Græcas literas. Nam ut harum neglectus omnium bonarum disciplinarum, omnium elegantiorū autorum *παινολεθρία* inuexit, ita spes est futurum, ut his renatis, & illa reflorescant. Illud aliquoties mecum soleo demirari, cum Sarmatæ, cum Scotti, & Hiberni Græcas literas iam pridem nec illibenter, nec infeliciter amplectantur, quo fato fiat, ut una Agrippina urbs ut uetustissima ita celeberrima, quam conueniebat in hoc pulcherrimo negotio uel primam occupare laudem, meliores literas adeo grauatim recipiat. Etenim si studia, quibus nunc solenniter utitur, recta sunt, harum accessione nō obliterabuntur illa, sed illustrabuntur: Sin secus, magis etiam optandum, ut pro nothis syncera, pro friuolis utilia succedant, & iuxta Diomedis ac Glauci permutationē *τὰ χαλκᾶ τῶν χρυσῶν ἀνταμείβονται*. Quis enim sanus recuset, uel bona melioribus, uel mala bonis commutare? Hunc nostrum bidui laborem tibi uisum est dicare, cum haud quāquam me fugeret, munusculum hoc longe infra tuam esse dignitatem. Maiora merebatur ista eruditio, ista morum integritas candorūque, meliora flagitabat arctissima nostra familiaritas, uerum hæc interim boni cōsulet humanitas tua, dum parantur tuis meritis digniora. Tu mi Cæsari fac pergas de literis, ac sæculo tuo benemereri, & istam quoque laudem Coloniensī scholæ addere. Vere generoso comiti HERMANO Nouæ aquilæ, aut (si græce mauis) Neactio, bonarū literarū candidissimo Meccenati, multā ex me salutē dicito. Antuerpiæ. Anno M. D. XVIII. Pridie natalis Ioannis Baptistæ

ΕΡΑΣΜΟΥ ΠΡΟΛΟΓΟΣ ΑΡΧΗ

INSTITUTIO
LIBER PR
TVS, AG
DESYDERI
ROTE
SVMMA
Vocalium
Compositio
Ex quibus dicitur
Improprie uero
Diuisio
Consonantium aut
Subdiuisio
Quarum duplex quide
mutabiles autem & liq